

omaĝo. 1 Respekta promeso de fidela submetiĝo farita de vasalo al feŭdestro. 2 Respekta aŭ gentila donaco de io al iu; dediĉdonaco. ~1 (tr). Fari honoron al iu per io; respektive oferprenenti: ~i libron al iu.

* **Omaro.** Granda dekpieda markrustulo, kies ambaŭ unuaj piedoj estas tre dikaj k pinĉilformaj: *ruĝa kiel kuirita ~o*. Kp PALINURO.

* **Ombro.** 1 Pli malpli plena manko de lumo, en loko, kiun maldiafana korpo apartigas de la lumo: *jam pli grandaj la ~oj ĵalas de la altaj montoj; en la ~o de la nokto; la montoj ĵetis, elendis longan ~on sur la ebenajon; sidi en ~o de io; kie lumo ekzistas, ankaŭ ~o troviĝas* Z (Vd MAKULO, FLANKO 1); (f): *tiu malĵelo ĵetis sian ~on (malĝojon) sur la tutan jaron; ĉirkaŭita de la ~o de morto; ~oj (zorgoj, maltrankviligoj) malheligas mian ĵeliĝon; ~oj en pentraĵo (nigraĵoj aŭ malhelaĵoj prezentantaj ~on); sin kaŝi en la ~o (sub protekto) de iu* Z. Kp NUBO, MALLUMO, NEBULO, NOKTO, KREPUSKO. 2 Tiu malluma parto, konsiderata kiel reproduktanta la formon de maldiafana korpo: *Petro Ŝtemil aŭ la viro, kiu perdis sian ~on; ĉiu timemulo limas sian propran ~on* Z; *ĥinaj ~oj (~oj de personoj aŭ objektoj projekciitaj sur ekranon); sekvi iun kiel tia ~o (neniam lin forlasi); la tagoj de la homo estas kiel pasanta ~o* Z; *la hormontra ~o* Z. 3 Bildo de mortinta persono, aperanta en la memoro aŭ kredita kiel realaĵo: *ŝia ~o ŝajnis klini sin al mia lito; en noktomeza silentego aperas ia ~o, simila tute al la patro via* Z; *la lando de la ~oj (= la Inferoj); mi esprimas funebran saluton al la ~oj de ĉiuj niaj karaj kamaradoj* Z; (f) *ŝi estas nur la ~o de si mem (pro malsano k malgrasiĝo)*. (Kp REAPERANTO, FANTOMO, SPIRITO. Vd OKULTISMO.) 4 (f) Malgrava ŝajno de io: *ne estas eĉ ~o da danĝero; ne restis eĉ ~o da libero; sen ia ~o da dubo* Z; *oni lasis al li nur ~on da potenco; ni devas severe eviti ĉion, kio povus prezenti ~on de interna malspaco* Z; *la respondo ne havas eĉ la plej malgrandan ~on de ia ŝajna malkontenco aŭ riproĉoj* Z. ~ (oplen) a. Estanta en ~o: ~a valo. ~1 (tr). Ĵeti ~on sur ion: *alta kverko ~is la ĝardenon; belaj vojoj ~itaj de*

maljunaj arboj; (f) frunto ~ila de zorgoj (Vd NUBO). ~aĵo, sub ~o. Loko ~ita: *promeni sub densaj ~aĵoj*. ~iĝi. Iĝi ~a: *la tero ~iĝis de nigra nubego; (f) la morto tenis lin je la gorĝo k lia cerbo ~iĝis*. ~umi (tr). Marki per strekoj aŭ koloriloj, kiuj prezentas ~ojn en desegno aŭ pentraĵo.

* **Ombrelo.** Kontraŭpluva aŭ kontraŭsuna portebla ŝirmilo, konsistanta el tenilo k ŝtofo aŭ papero ronde streĉita sur vergetoj: *pluv~o, sun~o*.

omleto. Manĝaĵo el kirlitaj ovoĵ, kuiritaj en pato kun butero k spico.

Omnibuso. Kovrita publika veturilo. Kp AŬTOBUSO.

* **On.** 1^e Sufikso uzata por derivi numeralojn, el kiuj ĉiu prezentas parton de koncerna nombro supoze dividita en tiom da egalaj partoj, kiomfoje la radiknombro enhavas la unuon: *du~o da horo* Z; *du~o de horo; li perdis la du~on de lia havo; du~o de ni mortos* Z; *la du tri~oj de naŭ estas ses; centimo estas cent~o de franko; el multaj mil~oj farigis milionoj* Z (Vd ARO, ALIĜI); *sur la spaco de ĉirkaŭ du~taga plugado* Z. Rim.: **On** almetiĝas nur al numeraloj.

II^e Vortero samsignifa: ~o, **nombr~o** Z = frakcio: *dum ~o de momento*. ~iĝi. Dividi en iun nombron da egalaj partoj (= frakciigi). ~eco = proporcieco.

* **Ondo.** 1 Akvomaso, kiu leviĝas k refalas ĉe supraĵo de maro, lago aŭ rivero blovata de vento; akvoŝvelo: *la ~oj alfrapas, alpluadas la rokojn; la barketo estis gluita de terura ~ego; la ŝaŭmantaj ~oj*. 2 Tio, kio leviĝas k malleviĝas kiel ~oj: *la ~oj de flagranta flamo; la ~oj de virina hararo; lumaj ~oj; trilitaj spikoj rulis ~ojn da oro* Z. 3 Tio, kio progresas per interrompitaj masoj k iom post iom disvastiĝas, kiel ~oj: *~oj da promenantoj* B; *~o da varma vento* Z; *~o da revoj* Z; *la fremdaj elementoj dronigis en siaj ~oj la antaŭajn loĝantojn* B; *atak~o; ~o da simpatio ekruliĝis tra la lando; tiam aperis granda strik~o; protest~oj leviĝis; li fluigadis ~ojn da elokventeco*. Kp FLUO. ~a. Karakterizata per ~oj: *~a movo, maro, hararo, flamo; la ~aj konturoj de drapiraĵo; ~e rampi, moviĝi*. ~1 Z, ~adi Z, ~iĝi Z (ntr). Leviĝi k malleviĝi aŭ iom post iom disvastiĝi, kiel ~oj: *~as flamo* (Kp FLAGRI); *la*